

նա գործածւում մեր լեզուում մե թէ՛ իւրաքանչիւր առումից ի՞նչ ոճեր են կազմւում :

Այսպէս, նախ եւ առաջ տրուած է ակն բառի հիմնական նշանակութիւնը, որ է՝ աչք : Դրան հետեւում են նոյն բառի օգնութեամբ կազմուած բազմաթիւ ոճեր՝ իրենց բացատրութիւններով մէկտեղ . ինչպէս՝ յակն անկանի, նշ. է «երեւալ», յակն արկանի — «ցոյց տալ», գակն արկանի — «երես դարձնել», յակն առնուլ — «սիրել», ակն ածել — «պատկառիլ», ակն առնուլ — «աշտուել», ակն դնել — «աչք տնկել, ցանկանայ», յակն գալ — «երեւալ», ակն տալ — «նայիլ, դիտել» : Եւ այսպէս, մի քանի ուրիշ ոճեր եւս, կազմուած նոյն ակն բառի օգնութեամբ :

Ապա՝ հետեւում են այդ բառի օգնութեամբ կազմուած բարդութիւններ, բայեր, ածանցական բառեր, եւայլն — յականիլ — «յալ նայիլ», ականատես, ականաւոր, ականածու, միականի, ականահոյ, խայտակն, ակնապիշ, ակնաբոյժ, ակնոց, եւայլն, եւայլն :

Ամէն մի ձեւի համար էլ ցոյց են տրուած մատենադրական աղբիւրները :

Ակն բառը, յայտնի է, իր հիմնական՝ աչք իմաստից դատ մեր լեզուում գործ է ածւում նաեւ մի քանի ուրիշ իմաստներով : Դրանք բոլորը եւս, վերոյիշեալ ձեւով, առաջ են բերուած ու բացատրուած, որով ակն բառի 2-րդ իմաստն է՝ «յոյս» . ակն ունել — «յուսալ, ըսպասել» . ակնկալութիւն, ակնկալ :

3. Ակն — «փոս, ծակ» — ակն ուղկանի, ակն տապարի, ակն գերեզմանի, որից՝ ակն բացել — «արտի մէջ փոսեր բանալ, ակնհատութիւն — (ամուսնութեան) «զաւաճանութիւն» : Նոյն այդ իմաստով ակն բառի փոխարէն ասելի գործածական է ակն ձեւը — «փոս, ծակ», որից եւ՝ ակն հատանել — «փոս փորել», «պատ ծակել», դրանից էլ՝ ակնահատ, ակնատ, եւայլն :

4. Ակն, նշ. է «աղբիւրի բխած տեղը, ջրի աչք», որից եւ — աղբերակն, ակնաղբիւր, ակնալճիտ :

5. Ակն, նշ. է «որթի կամ ծառի աչք» :

6. Ակն — «խաչի թեւերի միջին կէտը» :

7. Ակն — գոհար, թանկագին քար, որից եւ՝ ակնակապ — «գոհարագար», ակնաակերպ, վանակն, ակնագործ :

8. Ակն, նշ. է «ծովի ժժմակ» :

9. Ակն, նշ. է «չափ», օրինակ՝ «մէկ աչքով նայիլ» :

Կան անեւ նոյն ակն բառի օգնութեամբ կազմուած այլեւայլ դարձուածներ : Այս բոլոր հիմնական իմաստների բացատրութիւնը տալով մէկտեղ, հեղինակը մատնանշում է ամէն անգամ, ինչպէս ասուեց, այն աղբիւրը կամ աղբիւրները, ուսկից առել է նա մէջբերումը :

Այսքանով, սակայն, չէ բաւականանում բառարանագիրը : Նա առաջ է բերում նաեւ հնարօտական-լեզուաբանական կարեւոր բացատրութիւններ, համեմատութեան դնելով հայերէն ակն բառը համապատասխան բառերի եւ նրանց գործածութեանց հետ՝ օտար լեզուներում :

Դրանից պարզւում է, օրինակ, թէ ակն-ի նոյնիմաստ բառերը յունարէնում, գերտերէնում, պարսկերէնում եւ ուրիշ լեզուներում ի՞նչ առումներով են գործածական :

Այնուհետեւ յիշատակւում է, թէ ակն բառին սկզբնապէս ո՞ր լեզուաբանները (օտար եւ հայ) ի՞նչ ստուգաբանական բացատրութիւններ են տուել, դարձեալ յիշելով աղբիւրները — ոչ միայն առանձին հատորներով լոյս տեսած աշխատութիւններ, այլ եւ զխտական հանդէսներ :

Դարձեալ, Աճառեան մէկ-մէկ թուում է, թէ նոյն այդ բառը մեր ո՞ր քարքառում ի՞նչ իմաստով է գործածւում, — պարզ ձեւով կամ բարդութեանց մէջ : Նախ առաջ են բերւում հին, ծանօթ իմաստներով գործածուած ձեւերը, իսկ յետոյ նաեւ այնպէսները, որ միայն զաւառական բարբառներում են գործածական՝ նոր առումներով : Ապա հետեւում են ակն արմատից կազմուած նոր բառերը մեր լեզուի մէջ : Վերջապէս բառարանից տեղեկանում ենք մենք, թէ ո՞ր գիտնականը եւ կամ հեղինակը ինքը, այս կամ այն լեզուով ակն-ին նոյնահիմն մի բառ «հայերէնից փոխառեալ է համարում» : Այսպէս, ըստ Աճառեանի, «հայերէնից զուտ փոխառութիւն է վրացերէն ակնաքի բառը, որ նշանակում է՝ «թռչուն որսալու ցանց» :

Առեւնք ազատ բառը : Ինչպէս վերը, այստեղ էլ բացատրուած ենք գտնում այդ բառի